

馬邑縣志目錄

卷之一

輿圖志

星野占驗圖說

沿革

延袤

山川

形勝

城池

渠道

壇壝

橋梁

古蹟

八景

風俗

灾祥

賦役志

村堡東北

東北馬邑所歸併本縣

西北

舖舍

里甲

田賦

屯田

戶口

屯丁

徵收

起運

存留

馬政

課程

匠價

土產

卷之二

官師志

名宦

職官令

知事

巡警

巡官

公署縣治

巡官

接官廳

學校

至聖廟
學田

啓聖祠
教諭宅
社學

魁星樓

文昌祠
書籍

名宦祠
祭器

鄉賢祠
土額

廟祀

人物志

先賢

選舉

進士
吏員

舉人
鄉耆

恩拔歲副優貢士

例貢

監生

行伍

僑徒

節婦

坊表

貤封

墓塚

卷之三

藝文上

記傳

奏疏

募引

詳呈

誌銘

祭文

卷之四

藝文下

序

箴

賦

詩歌

詞

續藝文

辯
詩賦歌

馬邑縣志卷之二

人物誌

舊誌曰夫繩劍不必其莫邪銛鋒也繩人不必其紆朱拖紫也馬邑多賢豪隱顯不同其負異懷奇有足多者故自漢唐宋以來或勲業之著或德行之淳或節義之全雖其任質蹈志各以彙別然僉足以勵世云

舊史曰氏賢材不擇地而生邑雖蕞爾聞人達士間世一出文信國曰歿不俎豆其間者非夫也則鄉賢重己乃有當時未及公舉後人不敢私人若漢之周黨以隱德高唐之尉遲恭以功烈顯明之張名世以死節著之數公者詎不足謝宮墻之一席分俎豆之餘饗乎鄂國幸有專祠明太祖錄入祀典而周與張二人猶未也則所藉以傳者惟典策之存討論之下舉鄉賢不及祀之賢統名曰元賢應歷述之以並傳不朽耳若乃發策抉科處爲名士出爲名臣士君子誰不有志而奈遭遇之異時因顯晦之異致帷夫行己有道進身有階者慨以次列諸簡編雖行伍吏員既登仕籍亦附之用以表前徽勵後進也顧名思義亦存乎其人焉僑寓

遷徙人雖易地而文學事功其源流固未可以理沒若方伎羽流舊所闕者仍闕之至於貞婦節女從層層霜雪中煉出一段堅貞至性維綱扶頽功不在名卿鉅輔下又烏可聽其湮沒而不彰與嗚呼燕趙之間多悲歌慷慨之士山高風猛地氣所鍾由來久矣丈夫生而克自振拔或立德或立功於鄉爲仁人孝子於國爲忠臣賢士將使綸綍褒之棹楔榮之雖當百世一杯之土馬鬣久封面猶令人追想慨慕於不忘也豈不美哉豈不美哉故以鄉賢始墳墓終作第四卷

府志云歷覽郡矣志其志人物恒以入祠從祀者則名之曰鄉賢其不入祠者則另標名目而不敢以賢稱不知祀典之失實也久矣鄉之賢將以其人而賢之乎抑僅以其祀乎如以祀者爲賢則未祀者舉皆不賢乎要未可爲定論也朔郡所屬朔州馬邑舊志所列鄉賢頗多遺漏總之局於從祀也故余編次人物不論人祠與否而總區爲三首忠孝立德也次事功立功也次文行立言而兼立德也三不朽備卽不言鄉賢而鄉賢於是乎畢該矣且其人曾列名史策不應與草木同腐然或乘時竊位而片善無稱或才本雄豪而大節有虧則名之曰散材猶大小之

不中繩墨也而未殿之以列女者蓋巾幗而鬚眉固人物閏餘而亦無成代終義云爾今以時代先後紀之分注忠孝事功文行於其下

漢

荀彘事功

荀彘馬邑廣武人以御見侍中爲校尉數從大將軍衛青元封三年爲左將軍擊朝鮮無功以捕樓船將軍坐法死

前漢書本傳事迹載朝鮮傳茲不備錄

案明一通志荀彘列遼東名宦府志並劉武周聶壹苑君璋輩俱列之馬邑散材傳則不倫矣當列事功

聶壹散材

聶壹馬邑豪士也武帝元光二年六月將屯將軍大行令王恢言匈奴初和親可誘以利伏兵襲擊必破之御史大夫韓安國以爲不可帝卒從恢議使韓安國將車騎材官三十餘萬匿馬邑傍谷中約單于入馬邑斬死囚頭懸城上示之俟其不疑然後縱兵急擊王恢李息李廣別從代擊其輜重於是先遣壹爲間亡人匈奴曰吾能斬馬邑令

不以城降財物可盡得也單于信之將十萬餘騎入武州塞未至馬邑百餘里見畜布野而無人牧怪之及攻亭得雁門尉史欲殺之尉史以漢謀告單于單于大驚引兵出塞曰吾得尉史天也以爲天王漢兵追至塞勿及王恢等以便宜罷兵帝怒下廷尉恢自殺漢書本傳

王霸文行

王霸字儒仲邑之廣武人少有清節王莽篡漢棄冠帶絕交宦建武中徵到尙書稱名不稱臣有司問其故曰天子有所不臣諸侯有所不友司徒侯霸讓位於霸鬲陽毀之曰太原俗黨儒仲頗有其風遂止以病歸隱居守志茅屋蓬戶連徵不至以壽終漢書
傳唐書宰相世系表霸長子殷中山太守食邑所縣其後爲烏九王氏之祖次子成九世孫澤字季道雁門太守生霸爲太原氏之祖

王霸

王霸字元伯爲漢戶部尙書避王莽之亂棄官歸後從光武起兵至卜山陽傳聞王郎兵躡後從者皆恐至滹沱河津吏白河水流澌無船不可渡光武使霸往視霸恐衆驚散乃詭曰冰堅可渡遂前至河河冰果合因獲渡未畢數騎而冰解後追斬王郎於散

鄆爲騎都尉討虜將軍建武四年七月奉詔同捕虜將軍馬武圍劉紆周建於垂惠蘇茂救之馬武爲茂建所敗奔過霸營大呼求救霸乃閉營堅壁軍吏皆爭之霸曰捕虜無救其戰自倍賊衆疲勞吾乘其弊乃可克也茂建果悉兵攻武合戰良久霸乃開營後出精騎襲其背茂建敗走霸武各歸營茂建復挑戰霸堅臥不出方饗士茂雨射營中中霸前酒罇霸安坐不動謂軍吏曰茂兵遠來糧食不足故數挑戰以邀一時之勝今閉營休士所謂不戰而屈人之兵者也茂建不得戰乃引還建於道死茂奔下邳九年詔遷上谷太守備匈奴明帝五年追論中興功臣以公爲第十三人圖像雲臺

漢書本傳

周譚賢府志文行

周黨字伯况家千金少孤爲宗人所養而遇之不以禮及長又不還其財黨詣縣訟主乃歸之旣而散於宗族悉免遣奴婢至長安遊學初鄉佐嘗衆中辱黨黨久懷之及讀春秋聞復讐之義遂輟講而還與鄉佐相聞期尅鬥日旣交刃而黨爲所傷困頓鄉佐服其義與歸養之數日方甦旣悟而去避王莽之亂徙居太原與同郡譚賢伯升雁門殷謨君長俱守節不仕託疾杜門賊暴縱橫滅殘郡邑惟至廣武過城不入以黨賢人

之里也建武中徵爲議郎以病去職遂將妻子去澠池復被徵不得已乃着短布單衣穀皮綃頭待見尙書省伏而不謁自陳願守所志博士范升奏毀之曰臣聞堯不須許由巢父而建號天下周不待夷齊而王道以成伏見太原周黨東海王良山陽王成等蒙受厚恩使者三聘乃肯就車及陛見帝延黨不以禮屈偃蹇驕悍同時俱逝黨等文不能演義武不能死君釣採華名庶幾三公之位臣願與坐雲臺之下考試圖國之道不如臣言伏虛妄之罪而敢私竊虛名誇上求高皆大不敬書奏帝以示公卿曰自古聖王必有不賓之士伯夷叔齊不食周粟黨不食脰祿亦各有志焉其賜帛四十疋放歸嗚乎有君如此何忍負之成黨之高者光武也自後終隱澠池著書上下篇與會稽嚴子陵齊名

後漢書逸行傳

荀 恁 文行

荀恁字君大少修清節資貯千萬父越卒悉散財與九族隱居山澤以求厥志王莽末匈奴寇其縣光武聞恁名節相率不入荀氏閭光武徵以病不至永平初東平王蒼爲驃騎將軍開東閣延賢俊及後朝會顯宗戲之曰先帝徵君不至驃騎辟君而來何也

對曰先帝秉德以惠下故臣可得來驟騎執法以檢下故臣不敢不至後月餘罷歸

卒於家

後漢書申屠列傳序

右西漢二人東漢四人而益以周黨傳中同郡之譚賢爲五人案山西一通志載廣武有隱逸王霸而無雲臺功臣之王霸考之通鑑系潁川人邑志錄隱逸而類及之府志沿襲其誤久矣雖不刪去知元伯非馬邑人也

府志云王霸周黨二人似當爲朔郡人物案漢之寧朔鎮在甘肅懷朔鎮在吳喇武旗此地無朔郡不當云朔郡人

三國魏

張遼

事功子虎

統

張遼字文遠少爲郡吏并州刺史丁原召爲從事繼以兵屬董卓卓屬呂布曹操破布於下邳遼被縛操釋而將之數戰有功遷裨將軍與夏侯淵圍昌稀於東海乃說稀降遷盪寇將軍遣屯長社操征張魯遼與樂進等將七千餘人屯合肥以備吳先是操爲教與合肥護軍薛悌者函邊曰賊至乃發已而權發兵十萬圍合肥悌發函教曰孫權

至張遼李典二將軍出戰樂將軍進守護軍勿得輕動諸將疑衆寡不敵遼曰我遠征在外此救至彼破我必矣及其未合逆擊之折其盛氣乃可守也乃夜募敢從之士八百人明日披甲持戟陷陣殺十人斬二將大呼自名直衝入權麾下權大驚望見遼所將兵少復聚衆圍之數重遼直前擊圍開將麾下數十人出權軍披靡遂奪氣乃撤軍退走至逍遙津將步騎奄至甘寧呂蒙力戰凌統扶權出圍上津橋橋南已撤丈餘無版權持鞍緩控親近監谷利於後着鞭遂得超渡賀齊率兵迎權歸人船合肥圍解詔曰合肥之役遼以步卒八百破賊十萬曰古未有也拜征東將軍進爵都侯賁丕嗣位轉前將軍封晉陽侯卒於江都諡曰綱侯子虎嗣爲偏將軍卒子統嗣

案府志云公爲聶壹之後以避怨改姓今城東十五里之大夫庄其故里也鄉人張氏者卽其苗裔歟

右三人

北魏

朱瑞事功 父惠行

朱瑞字元龍代郡桑乾人父惠行爲太原太守多惠政敦厚質直爾宋榮引爲大行臺郎中除侍中瑞雖爲爾朱榮所委而善處朝廷之間魏主亦善遇之故瑞從世隆走而中道逃歸封樂陵郡公卒諡恭穆

北史邑志缺見朔州志府志此時馬邑稱代郡

乞伏周

事功

乞伏周爲魏銀青光祿大夫

右二人益以惠行爲三人

隋

乞伏貴和

事功

乞伏貴和乞伏周之孫慧之兄也聲望亞於慧以軍功封王爵一門二王時稱貴顯

乞伏慧

事功

乞伏慧少慷慨有大節文襄時累遷右衛大將軍自永寧縣公封宜民郡王兄貴和又以軍功封王一時貴顯無與爲儔周平齊授開府讎同大將軍拜攸飛右旅下大夫及平尉回進位柱國賜爵西河郡公請以官爵讓兄朝廷不許論者義之拜曹州刺史曾

民舊多奸猾隱匿戶口簿籍恒不以實實慧下車按察得戶數萬遷涼州總管突厥屢冠慧嚴烽燧謹斥埃蕃族憚其名不敢犯境總管三十一州諸軍事

隋書集傳府志云父節文襲時累遷右衛大將軍與此異

劉武周

散材

劉武周本瀛州景城人父匡徙馬邑母趙嘗夜坐見若雄雞光爛地飛投其懷感而娘生武周驍勇善騎射初爲鷹揚府校尉太守王仁恭愛遇令總虞侯直閣下盜仁恭侍兒懼覺伏誅因隋末天下亂乃椎牛縱酒大言煽衆與其徒張萬歲等斬仁恭擁衆作亂北附突厥封爲定楊可汗僭號帝建元大興上谷賊宋金剛爲竇健德所敗率衆來歸兵威大振遂取晉陽拔滄州關中大震後爲秦上世民所敗武周將尉遲敬德尋相張萬歲等皆降世民武周走死

案通鑑大書劉武周起兵者與義也隋書集傳武周奔突厥爲突厥所殺書劉武周走死者不與突厥以殺也

苑君璋

散材

苑君璋唐書本傳曰馬邑豪也以趨雄自奮初從劉武周武周兵入寇君璋曰唐以一州掇取三關所向風靡此迨天命非人謀不可爭也太原而南多巖阻今來甲深入無鍾軍有失不可償不如連突厥與唐合縱南面稱孤上策也武周不聽使君璋守朔州引衆內侵未幾敗泣曰廢君言乃至此卽與共趨突厥武周死突厥以君璋爲大行臺統武周部曲使郁射設監兵與舊將高滿政夜襲代州不克唐高祖遣使招之賜鐵券約不死君璋拒命進寇代州刺史王孝德拒却之滿政勸君璋曰突厥無禮豈可北面臣之請盡殺其衆以歸唐君璋不從而馬邑困於兵人厭亂滿政因衆不忍夜襲君璋君璋奔突厥滿政以城歸唐詔拜朔州總管封榮國公君璋引突厥攻陷馬邑殺滿政夷其黨乃去退保恒安其部皆中國人多叛去君璋窮乃降自請克敵贖罪高祖遣雁門人元普賜金券會頡利亦召之意猶豫子孝政諫曰大人許唐降又貳頡利自取亡也今糧盡衆携不卽決恐矜肘變生孝政不忍見禍之酷也卽單騎南奔君璋喻反之召衆與議恒安人郭子威曰恒安故王者都山川足以自固突厥方強我援之可觀天下變何遽降君璋然之執元普送突厥頡利德之遣以錦裘羊馬其下怒投書於門

曰不早附唐父子誅孝政懼欲自歸爲君璋所拘與突厥寇馬邑犯太原邊人苦之見
頡利歸知將亡遂率所部降頡利追擊走其兵入朝拜安州都督封芮國公食邑五百
戶賜帛四千匹君璋不曉書然天資習事歷職有惠稱貞觀中卒隋書集傳夫君璋歷職
所在未詳何
地何官乃有惠稱何不
以惠異地者惠桑梓耶
芮國之封其於自取富貴
則得矣因突厥攻陷馬邑
然則馬邑亦安賴有此人哉

苑言揚 單雄信

舊志云皆馬邑豪也其事迹一無所述今按苑言揚史不數見事實未詳單雄信據通
鑑所載憎大業十三年韋城翟讓爲東都法曹論事當斬出亡於瓦崗爲盜回郡單雄
信徐世勣往從之韋城在直隸滑縣東南有韋津隋書單雄信本傳爲曹州濟陰人其
文互異然鈞非邑人也考大逆不道之侯景叛奔石晉之安元省亦皆馬邑人也討逆誅叛自有國史正
宜無取乎邑乘之瑣瑣爾彼三人者舊志既列其名未便輕於刪去故著此何仍
附於篇端以俟後之君子折衷而論定焉

右隋四人

唐

尉遲敬德

事功

尉遲敬德名恭以字行公赤虬颯颯勇絕倫隋大業末初與尋相等屬劉武周將宋金剛秦王世民與戰屢破之金剛食盡比走世民追及於呂州敬德與尋相舉介休永安降世民得敬德大喜以爲右一府統軍將其衆八千與諸營相參武德三年尋相等復叛去諸將疑敬德囚之軍中屈突通殷開山告世民曰敬德勇甚今旣囚之心必怨望不如遂殺之世民曰敬德若叛豈在尋相後耶立命釋之引入臥內賜之金曰丈夫義氣相許勿以小嫌介意吾終不信人言以害忠良公宜體之必欲去者以此金相資表一時共事之情已而世民以五百騎行戰地登魏宣武陵王世充率騎萬餘猝至圍之單雄信世充驍將也引槊直趨世民敬德躍馬大呼橫刺雄信墜馬世充兵稍却敬德翼世民出圍會屈突通引大兵繼至世充兵大敗僅以身免世民謂敬德曰公何相報之速也賜以金銀一篋曰是寵遇日隆擒王民充半劉黑闥敬德戰功尤多敬德善避稍每單騎入敵陣中敵叢稍刺之終莫能傷又能奪敵稍反刺之齊王元吉以善馬稍目負忌敬德之能謀與較勝負操稍躍馬志在刺之敬德須臾三奪其稍九年建成元吉密謀殺世民以金銀一車贈敬德敬德辭不受以告世民世民曰公心如山嶽雖

積金如斗知公不移元吉乃譖敬德於上將殺之世民固請得免敬德與長孫無忌高士廉皆世民腹心於是互勸世民誅建成元吉躁血之變坐二府者百餘家將盡沒入敬德曰爲惡者止二人今已伏誅若又窮支黨非取安之道乃普原之貞觀六年上入慶善宮宴羣臣敬德時以同州刺史預宴有班在上者敬德怒叱曰汝何功位吾上在城王道宗次其下諭解之敬德拳歐道宗目幾眇上不懌而能謂敬德曰朕見漢高祖誅滅功臣意嘗非之故與卿等共保富貴俾子孫不絕鄉居官數犯法乃知韓彭祖醢非高祖之罪也國家紀惟賞與罰非分之恩不可數得勉目修飭無致後悔敬德由是知懼十三年二月以敬德爲鄜州都督上曰人每言卿反何也敬德對曰臣從陛下身經百戰今之存者鋒鏑之餘耳天下已定乃更疑臣反乎因解衣投地出其癰痕上流涕撫之一日上謂敬德曰朕將嫁女於卿稱意否敬德謝曰臣妻雖陋相與貧賤久矣亦不失夫婦情臣雖不學聞古人富不易妻仁也臣竊慕之願停聖恩叩頭固讓上嘉之而止以征突厥功援涇州道行軍總管曆鄜夏二州都督普封鄂國公圖像凌煙閣晚年益目晦戢謝賓客闕觀沼奏清商之樂餌雲母之粉間居十六年至顯慶二年而